



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-05-2037-2/19
Sarajevo, 29.01.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst i 37/14 - Ispravka), a u vezi sa Zaključcima Skupštine Kantona Sarajevo broj: 01-05-25024/17 i broj: 01-05-24243/17 od 31.07.2017. godine kojima su utvrđene mјere za sanaciju KJKP "Gradski saobraćaj" d.o.o. Sarajevo i obaveze privremenog upravitelja, Vlada Kantona Sarajevo na **Petoj vanrednoj** sjednici održanoj **29.01.2019.** godine, donijela je sljedeći

Z A K L J U Č A K

1. Prima se na znanje Informacija o realizaciji mјera za sanaciju i reorganizaciju KJKP „GRAS“ d.o.o. Sarajevo, za period 02.10.2018. godine do 31.12.2018. godine.
2. Informacija iz tačke 1. ovog Zaključka, dostavlja se Skupštini Kantona Sarajevo.



Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo saobraćaja Kantona Sarajevo
5. KJKP „Gradski saobraćaj“ d.o.o. Sarajevo (putem Ministarstva saobraćaja)
6. Evidencija
7. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



**Informacija
o realizaciji mjera za sanaciju i reorganizaciju KJKP „GRAS“ d.o.o. Sarajevo,
za period 02.10.2018. godine do 31.12.2018. godine**

U skladu sa zaključcima Skupštine Kantona Sarajevo br: 01-05-25024/17 od 31.07. 2017. Godine pripremljena je informacija o realizaciji mjera za sanaciju i reorganizaciju KJKP „GRAS“ d.o.o Sarajevo za period 02.10.2018. godine do 31.12.2018. godine .

1. Obavezuje se Vlada Kantona Sarajevo da pokrene inicijativu prema Poreznoj upravi FBiH i Vladi Federacije BiH za donošenje posebne odluke kojom bi se izvršio reprogram obaveza preduzeća KJKP GRAS d.o.o. Sarajevo za neplaćene poreze i doprinose iz predhodnog perioda, na period od 20 godina od dana potpisivanja sporazuma o izmirivanju obaveza, a rješavanje obaveza doprinosi za PIO na način da se izmiruju kako koji uposlenik ostvari pravo na penzionisanje.

Aktivnosti: KJKP «GRAS» d.o.o. Sarajevo nastavlja sa isplatama plaća sa pripadajućim porezima i doprinosima. Izmirenje obaveza po direktnim porezima i doprinosima za period 2009 - 2016 se djelimično, sukcesivno rješava penzionisanjem putem Programa zbrinjavanja viška uposlenika. U 2018. godini okončana je refundacija potraživanja od Zavoda za zdravstvenu zaštitu Kantona Sarajevo zaključno sa 2017. godinom u iznosu od 3,1 milion KM čime je umanjena obaveza po osnovu doprinosa za zdravstveno osiguranje, a nastavlja se refundacija tekućih potraživanja za isplaćeno bolovanja putem razmjene naloga.

Faza realizacije: Stalna aktivnost

2. Obavezuje se Vlada Kantona Sarajevo da pomogne u obezbjeđivanju sredstava u iznosu od 20 mil KM za izmirivanje obaveza prema Upravi za indirektno oporezivanje BiH (isplatom glavnice duga prema UIO stvara se mogućnost otpisa kamata) i Elektroprivredi BiH (isplatom obaveza prema elektroprivredi smanjili bi se troškovi za električnu energiju za 10%). Obezbeđivanje sredstava će se izvršiti izdavanjem garancija Kantona Sarajevo za zaduživanje KJKP GRAS d.o.o. Sarajevo ili zaduživanjem po osnovu unutrašnjeg duga ili na drugi način u skladu sa zakonskim propisima.

Aktivnosti: U periodu od 01.10. do 31.12.2018. godine izmirena je obaveza prema

Upravi za indirektno oporezivanje u iznosu od 533,180,00 KM Ministarstvo saobraćaja uplatilo je 150.000,00 KM sa pozicije pokrića dijela gubitka, a preostali dio od 383.180,00 KM Uprava za indirektno oporezivanje naplatu je izvršila prinudnim putem. Primjedbama na Nacrt budžeta za 2019. godinu upućenih Ministarstvu saobraćaja Kantona Sarajevo dana 31.12.2018. godine (akt 20008) istaknuto je alarmantno pitanje izmirenja obaveza po osnovu indirektnih poreza obzirom da se izvršenim plaćanjem prema Upravi za indirektno oporezivanje saniraju obaveze po osnovu obračunatih kamata i troškova prinudne naplate, a glavnica se i dalje povećava te se ne zaustavlja rast kamata i ukupnog duga prema Upravi indirektnog oporezivanja BIH. Zbog toga je potrebno urgentno rješavanje izmirenja duga u cijelosti obzirom da su uslovi Uprave indirektnog oporezivanja BiH izmiravanje duga na rate izuzetno nepovoljni.

Faza realizacije: Stalna aktivnost

3. 5. Obavezuje se Vlada Kantona Sarajevo da pripremi pravni propis sa zakonskom snagom kojim će biti utvrđeno da se naknada za prevoz u svim pravnim subjektima kojima je osnivač Kantona Sarajevo i to za sve uposlene (bez obzira na udaljenost od mjesta stanovanja do mjesta zaposlenja) ostvaruje isključivo kupovinom mjesecnih ili godišnjih karata za prevoz. Naknada za prevoz će se morati obezbjediti za svakog uposlenika u pravnom subjektu kupovinom kupona kod javnog prevoznika uz mogućnost poduzimanja prekršajne odgovornosti za odgovorna lica pravnog subjekta koja ne postupaju u skladu sa propisom.

Aktivnosti: Donesena je "Uredba o načinu ostvarivanja prava na naknadu za prijevoz na posao i sa posla uposlenika u javnim institucijama, fondovima i javnim preduzećima čiji je osnivač i suosnivač Kanton Sarajevo" (u daljem tekstu Uradbe). Nakon donošenja Uredbe došlo je do povećanja broja prodatih kupona uposlenima u javnim institucijama, fondovima i javnim preduzećima čiji je osnivač i suosnivač Kanton Sarajevo u u odnosu na prosječan broj kupljenih pretplatnih karata u periodu I-IX 2017. godine. Bez obzira na gore ostvareno povećanje prodaje pretplatnih karata broj mjesecnih pretplatnih građanskih karata - ukupno , u odnosu na 2016. godinu, manji je za 2,5% (za 3.997 karata).

Vlada Kantonta Sarajevo donijela je Uredbu o stavljanju van snage Uredbe.

Nakon donošenja " Uredbu o stavljanju van snage Uredbe" došlo je pada broja prodatih kupona.

Stavljanjem van snage Uredbe o načinu ostvarivanja prava na naknadu za prevoz na posao i sa posla uposlenika u javnim institucijama, fondovima i javnim preduzećima čiji je osnivač Kanton Sarajevo (donesene 03.05.2018. godine) nastavlja se umanjenje prihoda od prodaje mjesecnih karata. Negativni efekti stavljanjem Uredbe van snage za period 01.10. do 31.12.2018. godine iznose cea 1,0 milion KM.

4. 7. Obavezuje se privremeni upravitelj KJKP "GRAS" d.o.o. Sarajevo da pokrene aktivnosti za korekciju parametra - mjesecni broj vožnji u jednoj zoni za pojedine kategorije putnika. Iako ne postoje detaljne analize o broju ostvarenih vožnji za pojedine kategorije korisnika, izvršiti procjenu korištenja usluga javnog linijskog prijevoza putnika i usvojiti nove parametre broja ostvarenih vožnji i iste primjenjivati do konačnog utvrđivanja broja vožnji za sve kategorije korisnika. U skladu sa Zakonom o komunalnim djelatnostima u Kantonu Sarajevo hitno pokrenuti sve aktivnosti za utvrđivanje cijene javnog prevoza putnika u skladu sa opravdanim troškovima poslovanja i svim ostalim elementima kalkulacije kako bi Vlada Kantona Sarajevo što prije odobrila nove cijene prevoza i kako bi se u što kraćem roku usvojio novi tarifni sistem javnog prevoza.

Aktivnosti: Urađeno je istraživanja kojim se putem ankete utvrdila struktura kategorija korisnika usluga javnog prijevoza u vozilima KJKP GRAS d.o.o. Sarajevo u periodu od 18.09.2017. (ponedeljak) do 24.09.2017. (nedjelja).

KJKP "Gradski saobraćaj" d.o.o. Sarajevo dopisom broj: 18018 od 12.12. 2017. godine i dopis broj: 1089 od 22.01. 2018. godine zahtjeva je djelimično usklađivanjem tarifnog sistema – povećanje cijena prijevoza za subvencionirane kategorije korisnika i kategoriju nezaposlenih lica.

Kako materijalni propisi koju uređuju ovu oblast ne poznaju termin "djelimično usklađivanjem cijena prijevoznih usluga za subvencionirane korisnike", a uzimajući u obzir da je u dopisima navedeno "da se cijene utvrđuju u prelaznom periodu do utvrđivanja ekonomске cijene usluge" i dr., smatramo da bi donošenje propisa za navedene kategorije, a koje bi ukljčivalo korekciju cijena, moglo izazvati negativne pravne i finansijske efekte po Kanton.

Ministarstvo saobraćaja je dostavilo informaciju o dostavljenom materijalu KJKP "GRAS" d.o.o. Sarajevo na osnovu čega je Vlada Kantona donijela slijedeće zaključke:

Prihvata se Informacija o dostavljenoj kalkulaciji cijena karata za javni linijski prijevoz putnika karata od starne preduzeća KJKP GRAS d.o.o. Sarajevo.

Nalaže se formiranje Neovisnog stručnog tijela za utvrđivanje validnosti kalkulacije i končan prijedlog visine cijene komunalnih usluga javni linijski prijevoz putnika u Kantonu sarajevo.

Nalaže se Skupštini i Nadzornom odboru KJKP GRAS d.o.o. Sarajevo da dostave validnu dokumentaciju i detaljnu kalkulaciju usluga javnog prevoza u kojoj će se konkretizovati primjena metoda za izračunavanje cijene.

Prijedlog cijena usluga prevoza u javnom gradskom prevozu putnika upućen je Ministarstvu saobraćaja 06.12.2018. godine (akt 18629). Prijedlog je sačinjen u skladu sa odredbama Zakona o komunalnim djelatnostima Kantona Sarajevo, član 22. Stav 1. Cijena usluga prevoza putnika više od 10 godina nisu uskladene sa ulaznim troškovima bitnim za funkcionisanjem preduzeća. Veliki broj korisnika prevoza (penzioneri, studenti, đaci, pripadnici poginulih boraca i dr.) koristio je i koristi karte sa neodrživo niskom ukupnom cijenom (dio koji plaća korisnik i dio koji se subvencionira). Novim prijedlogom o cijenama usluga predloženim iznosima subvencija obuhvaćeni su dosadašnji korisnici subvencija a usklađivanje cijene izvršeno je na teret subvencije uz zadržavanje postojećeg ličnog učešća korisnika ukoliko isti participira u ukupnoj cijeni karte.

Učešće subvencija u prihodu iznosi 27,6% a prema novom prijedlcgu cijena povećava se na cea 39,2 % čime bi se približili procentualnom učešću subvencija u zemljama okruženja. U evropskim zemljama učešće subvencija u prihodu od prevoza putnika kreće se u rasponu od 40-60%.

Faza realizacije: Realizacija u toku

5. 8. Obavezuje se privremeni upravitelj KJKP "GRAS" d.o.o. Sarajevo da u što kraćem roku pripremi novi sistem organizacije i makro organizacione strukture preduzeća sa maksimalnim brojem do 1.190 radnika u skladu sa postojećim raspoloživim brojem voznih jedinica u roku do 30 dana.

Aktivnosti: Utvrđen je Prijedlog makro organizacione strukture KJKP «GRAS» d.o.o. Sarajevo u skladu sa postojećim raspoloživim brojem voznih jedinica. Mikro organizaciona struktura KJKP «GRAS» je završena, a u završnoj fazi je izrada Pravilnika o radu i sistematizaciji poslova i radnih zadataka.

Faza realizacije: Realizacija u toku

6. 13. Obavezuje se privremeni upravitelj KJKP "GRAS" d.o.o. Sarajevo da vodi stalne aktivnosti u saradnji sa Zavodom za zapošljavanje Kantona Sarajevo i Vladom Kantona Sarajevo u program penzionisanja uposlenih u skladu sa pokrenutim procesom reorganizacije preduzeća.

Aktivnosti: Nastavljene su aktivnosti na realizaciji Programa restrukturiranja i zbrinjavanja viška uposlenih u 2018. godini. Programom će se obuhvatiti 38 uposlenika koji su stekli i stiču pravo na penzionisanje po osnovu godina staža. Pored tog vode se aktivnosti za penzionisanje određenog broja uposlenih koji su stekli uslove za prijevremeno penzionisanje.

Federalnom ministarstvu prometa i komunikacija je odbacilo prispjele žalbe prijevoznika KJKP "GRAS" d.o.o. Sarajevo na što je isti pokrenuo upravni spor kod nadležnog suda.

Na osnovu člana 70. Zakona o organizaciji uprave u Federaciji Bosne i Hercegovine ("Sl.novine Federacije BiH", broj 35/05), a u vezi sa članom 12. Pravilnika o uslovima, načinu i specifičnosti organizacije obavljanja Javnog linijskog prijevoza putnika u Kantonu Sarajevo („Sl.novine Kantona Sarajevo“, broj 28/09) ministar saobraćaja Kantona Sarajevo donio je rješenje pod brojem: 04-05-35522/18 od 22.10.2018. godine o imenovanju Komisije za provođenje javnog konkursa za izbor prijevoznika za obavljanje javnog linijskog prijevoza putnika (u daljem tekstu – Komisija).

Prema rješenju zadatku Komisije je da:

- pripremi i objavni javni konkurs za izbor prijevoznika,
- utvrdi Metodologiju za vrednovanje prijevoznika;
- izvršiti izbor prijevoznika;
- sačini izvještaj o postupku javnog konkursa.

Komisija je donijela zaključak da se :

- linije koje će biti predmet javnog konkursa podjele u 4 (četiri) „GRUPE linija“,
- utvrdi "Metodologiju za vrednovanje prijevoznika" i ista bude sastavni dio javnog konkursa.

Kada je od strane Komisije usvojen konačni tekst Javnog konkursa, objavljeno je Obavještenje o javnom konkursu za izbor prijevoznika na 22 linije u javnom linijskom prijevozu putnika u Kantonu Sarajevo u "Službenim novinama Kantona Sarajevo", Dnevnom listu "Oslobodenje" i web portalu Kantona Sarajevo.

Komisija je na sjednici održanoj dana 28.11. 2018. godine u 09,00 sati, izvršila javno otvorene blagovremeno prispjele prijave prijevoznika Centrotrans Eurolines" d.d. Sarajevo. Nakon čega je od strane Komisije izvršena provjeru ispravnosti prispjele prijave prijevoznik "Centrotrans eurolines" d.d. Sarajevo i vrednovanje prijave po kriterijima.

Izvještaj o radu Komisije isti se dostavlja ministru i Vladi Kantona Sarajevo.

10. 38. Obavezuje se privremenim upravitelj da u saradnji Ministarstvo saobraćaja Kantona Sarajevo da pripremi plan investicionog ulaganja u javni prevoz putnika za period od narednih 15 godina, sa prioritetom hitne nabavke voznih jedinica.

Aktivnosti: Na osnovu provedene procedure u skladu sa zakonom o javnim nabavkama izvršen je izbora projektanta za izradu:

- Glavnog projekta sanacije, rekonstrukcije i modernizacije tramvajske pruge u Sarajevu na dijelu od „S“ krivini kod Holiday do Ilijadža sa konekcijom prema Željezničkoj stanici, okretnica na željezničkoj stanici, pruga kroz ulicu Hamze Hume i odvojak pruge za remizu tramvaja (za isti je u toku izrada projektne dokumentacije, izabran projektna kuća za eksternu reviziju projekta a uporedo se vode aktivnosti za realizaciju projekta) i
- Glavnog projekta tramvajske pruge Ilijadža – Hrasnica (za isti je dostavljena dokumentacija za internu reviziju i izabran projektna kuća za eksternu reviziju projekta).

Vode su aktivnosti za realizaciju projekta nabavke novih vozila za javni linijski prijevoz putnika (tramvaji i trolejbusi).



KANTONALNO JAVNO
KOMUNALNO PREDUZEĆE
GRADSKI SAOBRAĆAJ
d.o.o. SARAJEVO
71000 Sarajevo, Srdana Aleksića 1



Općinski sud u Sarajevu UF / t - 2438/05
Identifikacioni broj 4200055640002
PDV broj 200055640002
Poreski broj 01632095
Šifra djelatnosti 60212
Telefon: 033 / 293-333 Fax: 033 / 452-188

Broj: 981

Datum:

22.01.2019.

22.-01-2019.

04 24 986

Federacija Bosne i Hercegovine
KANTON SARAJEVO
Ministarstvo saobraćaja
n/r Ministra

PREDMET: Informacija o realizaciji mjera za sanaciju i reorganizaciju
KJKP «GRAS». d.o.o. Sarajevo

U cilju praćenja realizacije Zaključka Skupštine Kantona Sarajevo broj: 01-05-2423/17 od 31.07.2017. godine, u prilogu dostavljamo Informaciju o realizaciji mjera za sanaciju i reorganizaciju KJKP «GRAS» d.o.o. Sarajevo za period 02.10.2018. godine do 31.12.2018. godine / veza Vaš Zahtjev broj: 04-27-976/19 KM od 16.01.2019. godine.

S poštovanjem,

v.d. GENERALNI DIREKTOR

[REDACTED]
Avdo Vatrić, dipl.el.ing.

Transakcijski računi: Intesa Sanpaolo banka Sarajevo

1540012000237552

Raiffeisen bank Sarajevo 161000033890065
Sparkasse bank Samjivo 1990490005037063
UNI Credit bank Sarajevo 3383202251291827
Turkish bank 1860001048034002

Union banka Sarajevo 1020440000004172
Hypo Alpe-Autria bank Sarajevo 3060510000013086
Vakufska banka Sarajevo 1862000000635331
NLB Tuzlanska banka 1322602007868015

**Informacija o realizaciji aktivnosti iz Sanacionog programa, a po Zaključku broj: 01-05-
25024/17, Skupštine Kantona od 31.07.2017. godine
u periodu od 02.10.2018. do 31.12.2018. godine**

Tačka 1. Zaključka: KJKP «GRAS» d.o.o. Sarajevo nastavlja sa isplatama plaća sa pripadajućim porezima i doprinosima. Izmirenje obaveza po direktnim porezima i doprinosima za period 2009 – 2016 se djelimično, sukcesivno rješava penzionisanjem putem Programa zbrinjavanja viška uposlenika.

U 2018. godini okončana je refundacija potraživanja od Zavoda za zdravstvenu zaštitu Kantona Sarajevo zaključno sa 2017. godinom u iznosu od 3,1 milion KM čime je umanjena obaveza po osnovu doprinosa za zdravstveno osiguranje, a nastavlja se refundacija tekućih potraživanja za isplaćeno bolovanja putem razmjene naloga.

Tačka 2. Zaključka: U periodu od 01.10. do 31.12.2018. godine izmirena je obaveza prema Upravi za indirektno oporezivanje u iznosu od 533.180,00 KM Ministarstvo saobraćaja uplatilo je 150.000,00 KM sa pozicije pokrića dijela gubitka, a preostali dio od 383.180,00 KM Uprava za indirektno oporezivanje naplatu je izvršila prinudnim putem.

Primjedbama na Nacrt budžeta za 2019. godinu upućenih Ministarstvu saobraćaja Kantona Sarajevo dana 31.12.2018. godine (akt 20008) istaknuto je alarmantno pitanje izmirenja obaveza po osnovu indirektnih poreza obzirom da se izvršenim plaćanjem prema Upravi za indirektno oporezivanje saniraju obaveze po osnovu obračunatih kamata i troškova prinudne naplate, a glavnica se i dalje povećava te se ne zaustavlja rast kamata i ukupnog duga prema Upravi indirektnog oporezivanja BiH. Zbog toga je potrebno urgentno rješavanje izmirenja duga u cijelosti obzirom da su uslovi Uprave indirektnog oporezivanja BiH izmiravanje duga na rate izuzetno nepovoljni.

Tačka 4. Zaključka: Izostala je realizacija tačke 4. Zaključka kojom se Vlada Kantona Sarajevo obvezala da budžetom za 2018. godinu planira sredstva u iznosu od 20,0 miliona za investiciona ulaganja. Ni jedan od kapitalnih grantova predviđenih budžetom nije realizovan.

Tačka 5. i 6. Zaključka: Stavljanjem van snage Uredbe o načinu ostvarivanja prava na naknadu za prevoz na posao i sa posla uposlenika u javnim institucijama, fondovima i javnim preduzećima čiji je osnivač Kanton Sarajevo (donesene 03.05.2018. godine) nastavlja se umanjenje prihoda od prodaje mjesecnih karata. Negativni efekti stavljanjem Uredbe van snage za period 01.10. do 31.12.2018. godine iznose cca 1,0 milion KM.


Tačka 7. Zaključka: Prijedlog cijena usluga prevoza u javnom gradskom prevozu putnika upućen je Ministarstvu saobraćaja 06.12.2018. godine (akt 18629). Prijedlog je sačinjen u skladu sa odredbama Zakona o komunalnim djelatnostima Kantona Sarajevo, član 22. Stav 1. Cijena usluga prevoza putnika više od 10 godina nisu uskladene sa ulaznim troškovima bitnim za funkcionisanjem preduzeća. Veliki broj korisnika prevoza (penzioneri, studenti, daci, pripadnici poginulih boraca i dr.) koristio je i koristi karte sa neodrživo niskom ukupnom cijenom (dio koji plaća korisnik i dio koji se subvencionira). Novim prijedlogom o cijenama usluga predloženim iznosima subvencija obuhvaćeni su dosadašnji korisnici subvencija a uskladivanje cijene izvršeno je na teret subvencije uz zadržavanje postojećeg ličnog učešća korisnika ukoliko isti participira u ukupnoj cijeni karte.

Učešće subvencija u prihodu iznosi 27,6% a prema novom prijedlogu cijena povećava se na cca 39,2 % čime bi se približili procentualnom učešću subvencija u zemljama okruženja. U evropskim zemljama učešće subvencija u prihodu od prevoza putnika kreće se u rasponu od 40-60%.

Tačka 8. Zaključka: Utvrđen je Prijedlog makro organizacione strukture KJKP «GRAS» d.o.o. Sarajevo u skladu sa postojećim raspoloživim brojem voznih jedinica. Mikro organizaciona struktura KJKP «GRAS» je završena, a u završnoj fazi je izrada Pravilnika o radu i sistematizaciji poslova i radnih zadataka.

Tačka 13. Zaključka: Realizovan je program zbrinjavanja viška uposlenika za 2018. godinu na osnovu dostavljenog programa i dokumentacije javnoj ustanovi za zapošljavanje Kantona Sarajevo i Federalnom Zavodu PIO/MIO.

Tačka 16. Zaključka: Obezbjedena su dodatna sredstva u iznosu od 7,8 miliona KM za pokriće gubitka a na ime isplate bruto plata uposlenika GRAS-a.





Broj:01-05-25024/17
Sarajevo, 21.08.2017.godine

VLADA KANTONA SARAJEVO

Dostavljamo Vam Zaključak koji je donijela Skupština Kantona Sarajevo, na sjednici održanoj dana 31.07.2017. godine.

DOSTAVLJENO:

- 1.Predsjedateljica SKS
- 2.Zamjenik predsjedavajuće S.Bukva
- 3.Zamjenik predsjedavajuće S.Delalić
- ④Ministarstvo saobraćaja KS
- 5.KJKP "Gradski saobraćaj" d.o.o.
Srđana Aleksića 1 Sarajevo
- 6.Sekretar Vlade KS
- 7.Sekretar Skupštine KS
- 8.Dokumentacija sjednice
- 9.a/a

PO OVLAŠTENJU SEKRETAR

Almira Kulovac Setkić dipl.pravnik s.r.





Na osnovu člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15 i 48/16), člana 7. Zakona o imovini Kantona Sarajevo („Službene novine Kantona Sarajevo“ br. 6/97, 9/98 i 5/10), člana 11. Zakona o upravljanju privrednim društvima u nadležnosti Kantona Sarajevo („Službene novine Kantona Sarajevo“, broj 8/01), a u vezi sa Zaključkom Skupštine Kantona Sarajevo broj: 01-05-20167/17 od 31.05.2017.godine, Skupština Kantona Sarajevo na sjednici održanoj dana 31.07.2017. godine, donijela je slijedeći

Z A K L J U Č A K

1. Obavezuje se Vlada Kantona Sarajevo da pokrene inicijativu prema Poreznoj upravi FBiH i Vladi Federacije BiH za donošenje posebne odluke kojom bi se izvršio reprogram obaveza preduzeća KJKP GRAS d.o.o. Sarajevo za neplaćene poreze i doprinose iz predhodnog perioda, na najduži rok za reprogram sa Poreskom upravom od dana potpisivanja sporazuma o izmirivanju obaveza, a rješavanje obaveza doprinosi za PIO na način da se izmiruju kako koji uposlenik ostvari pravo na penzionisanje.
2. Obavezuje se Vlada Kantona Sarajevo da pomogne u obezbjeđivanju sredstva u iznosu od 20 mil KM za izmirivanje obaveza prema Upravi za indirektno oporezivanje BiH (isplatom glavnice duga prema UIO stvara se mogućnost otpisa kamata) i Elektroprivredi BiH (isplatom obaveza prema elektroprivredi smanjili bi se troškovi za električnu energiju za 10%). Obezbeđivanje sredstava će se izvršiti izdavanjem garancija Kantona Sarajevo za zaduživanje KJKP GRAS d.o.o. Sarajevo ili zaduživanjem po osnovu unutrašnjeg duga ili na drugi način u skladu sa zakonskim propisima.
3. Obavezuje se privremen upravitelj KJKP "GRAS" d.o.o. Sarajevo da u saradnji sa uposlenicima KJKP GRAS d.o.o. Sarajevo pripremi sporazum prijedloga vansudske nagodbe sa uposlenicima KJKP GRAS d.o.o. Sarajevo o izmirivanju obaveza po tužbama radnika, na primjer: na način da bi se radnici odrekli kamata i 50% dosuđenog iznosa tužbe, dok bi se preostali dio tužbe u iznosu od 50 % isplatio u narednih 10 godina sa grejs periodom od 3 godine ili na način da bi se radnici odrekli kamata, dok bi se tužbe isplatile u narednih 15 godina sa grejs periodom od 3 godine ili na drugi moguć način.
4. Obavezuje se Vlada Kantona Sarajevo da Budžetom Kantona Sarajevo za 2018 godinu planira sredstva u iznosu od 20 mil KM za investiciona ulaganja u KJKP GRAS d.o.o. Sarajevo. Ulaganja će se izvršiti u skladu sa utvrđenim prioritetima koje utvrdi Ministarstvo saobraćaja Kantona Sarajevo, a koji će usvojiti Skupština Kantona Sarajeva.




5. Obavezuje se Vlada Kantona Sarajevo da pripremi pravni propis sa zakonskom snagom kojim će biti utvrđeno da se naknada za prevoz u svim pravnim subjektima kojima je osnivač Kantona Sarajevo i to za sve uposlene (bez obzira na udaljenost od mjesta stanovanja do mjesta zaposlenja) ostvaruje isključivo kupovinom mjesecnih ili godišnjih karata za prevoz. Naknada za prevoz će se morati obezbjediti za svakog uposlenika u pravnom subjektu kupovinom kupona kod javnog prevoznika uz mogućnost poduzimanja prekršajne odgovornosti za odgovorna lica pravnog subjekta koja ne postupaju u skladu sa propisom.
6. Obavezuje se Vlada Kantona Sarajevo da pokrene inicijativu prema Vijeću ministara BiH, Vladi Federacije BiH, te svim općinama u Kantonu Sarajevo u kojoj bi se tražilo da sve institucije i javna preduzeća u državnom vlasništvu koje imaju sjedište na području Kantona Sarajevo ostvaruju pravo na prevoz isključivo na način da se kupuje karta kod javnog prevoznika.
7. Obavezuje se privremeni upravitelj KJKP "GRAS" d.o.o. Sarajevo da pokrena aktivnosti za korekciju parametra - mjesecni broj vožnji u jednoj zoni za pojedine kategorije putnika. Iako ne postoje detaljne analize o broju ostvarenih vožnji za pojedine kategorije korisnika, izvršiti procjenu korištenja usluga javnog linijskog prijevoza putnika i usvojiti nove parametre broja ostvarenih vožnji i iste primjenjivati do konačnog utvrđivanja broja vožnji za sve kategorije korisnika. U skladu sa Zakonom o komunalnim djelatnostima u Kantonu Sarajevo hitno pokrenuti sve aktivnosti za utvrđivanje cijene javnog prevoza putnika u skladu sa opravdanim troškovima poslovanja i svim ostalim elementima kalkulacije kako bi Vlada Kantona Sarajevo što prije odobrila nove cijene prevoza i kako bi se u što kraćem roku usvojio novi tarifni sistem javnog prevoza.
8. Obavezuje se privremeni upravitelj KJKP "GRAS" d.o.o. Sarajevo da u što kraćem roku pripremi novi sistem organizacije i makro organizacione strukture preduzeća sa maksimalnim brojem do 1.190 radnika u skladu sa postojećim raspoloživim brojem voznih jedinica u roku do 30 dana.
9. Obavezuje se privremeni upravitelj KJKP "GRAS" d.o.o. Sarajevo da u kontinitetu kao stalan proces uskladije broj uposlenih u preduzeća sa brojem voznih jedinica procentualno u zavisnosti sa povaćanjem odnosno smanjenjem oba parametra.
10. Obavezuje se privremeni upravitelj KJKP "GRAS" d.o.o. Sarajevo da u narednom periodu u slučaju primanja novih radnika utiče na smanjivanje starosne dobi uposlenih u preduzeću.
11. Obavezuje se privremeni upravitelj KJKP "GRAS" d.o.o. Sarajevo da izvrši detaljnu kadrovsku analizu starosne dobi i radnog staža zaposlenika koji novom organizacijom nisu planirani i sačini plan zbrinjavanja prekobrojnih uposlenih za čije zbrinjavanje će biti planirana sredstva u budžetu.
12. Obavezuje se Vlada Kantona Sarajevo da u Budžetu Kantona Sarajevo za 2018. godinu planira sredstva u iznosu od 6.000.000,00 KM za program zbrinjavanje radnika i participaciju sa JU Služba za zapošljavanje Kantona Sarajevo za penzionisanje uposlenika koji su stekli uslove za penzionisanje ili je određen broj uposlenih potrebno zbrinuti na drugi način (dokup radnog staža i dr.) a koji se pokažu kao višak nakon usvajanja nove organizacije i sistematizacije preduzeća.



13. Obavezuje se privremeni upravitelj KJKP "GRAS" d.o.o. Sarajevo da vodi stalne aktivnosti u saradnji sa Zavodom za zapošljavanje Kantona Sarajevo i Vladom Kantona Sarajevo u program penzionisanja uposlenih u skladu sa pokrenutim procesom reorganizacije preduzća.
14. Obavezuje se privremeni upravitelj KJKP "GRAS" d.o.o. Sarajevo da vrši usklađivanje rashode za plate sa ostvarenim prihodima.
15. Obavezuje se privremeni upravitelj KJKP "GRAS" d.o.o. Sarajevo da u saradnji sa Sindikatom KJKP GRAS d.o.o. Sarajevo pregovara o smanjivanju rashoda za plate umanjivanjem plata uposlenih do izlaska preduzeća iz poslovne krize.
16. Obavezuje se Vlada Kantona Sarajevo da iz Budžeta Kantona Sarajevo za 2017. godinu obezbjedi dodatna sredstva u iznosu od 7.000.000,00 KM (radi prevazilaženja pitanja isplata bruto plata – sredstva planirati kao pokriće gubitka), preraspodjelom sredstava ili izmjenama i dopunama Budžeta Kantona Sarajevo čime bi se omogućila nesmetana isplata plata uposlenicima preduzeća KJKP GRAS d.o.o. Sarajevo do kraja ove godine.
17. Obavezuje se privremeni upravitelj KJKP "GRAS" d.o.o. Sarajevo i Ministarstvo saobraćaja Kantona Sarajevo da hitno pokrenu sve aktivnosti na unapređenju informacionog sistema u KJKP GRAS d.o.o. Sarajevo, informatizaciji svih potrebnih procesa u poslovanju preduzeća te da u što kraćem roku poduzmu sve aktivnosti na uvođenju elektronskog sistema naplate u javnom prevozu putnika u Kantunu Sarajevo (u tok postupak javne nabavke), kao i za projekat sistema upravljanja i kontrole funkcionisanja saobraćaja te informisanja korisnika gradskog saobraćaja.
18. Obavezuje se privremeni upravitelj KJKP "GRAS" d.o.o. Sarajevo da preduzme sve mјere organizacione i operativne prirode kako bi se osposobio što veći broj vozila za povećanje redovnosti i pouzdanosti održavanja linija na području Kantona Sarajevo, a informacije o održavanju registrovanih redova vožnje dostavljati svakodnevno Ministarstvu saobraćaja.
19. Obavezuje se Ministarstvo saobraćaja Kantona Sarajevo da se svi postupci o brisanju redova vožnje koje vodi Ministarstvo saobraćaja obustave na period od 180 dana, a nakon isteka tog vremena da Uprava za inspekcijske poslove Kantona Sarajevo za sve linije izvrši ponovnu inspekcijsku kontrolu i da se u skladu sa istim nastavi dalji postupak u skladu sa pozitivnim zakonskim propisima.
20. Obavezuje se privremeni upravnik KJKP GRAS d.o.o. Sarajevo i Ministarstvo saobraćaja Kantona Sarajevo da hitno pripreme prijedlog optimizacije linija tj. optimalizaciju redova vožnje u cilju povećanja prihoda i smanjenja troškova koji nastaju kod realizacije istih.
21. Obavezuje se privremeni upravitelj KJKP "GRAS" d.o.o. Sarajevo da izvrši centralizaciju magacina u cilju smanjenja broja uposlenih i povećanja kontrole nad skladištenjem rezervnih djelova.



22. Obavezuje se privremeni upravitelj KJKP "GRAS" d.o.o. Sarajevo za provođenje mjera kojima će se povećati čistoća vozila, urednost osoblja i bolje informisanje o prevozu kao i da primjeni najbolje poslovne prakse u strateškom i operativnom radu preduzeća.
23. Obavezuje se privremeni upravitelj KJKP "GRAS" d.o.o. Sarajevo da doneše etički kodeks o oblačenju i ponašanju uposlenika KJKP GRAS d.o.o. Sarajevo, te izvrši uniformisanje svih uposlenih koji rade u neposrednom kontaktu sa korisnicima usluga.
24. Obavezuje se privremeni upravitelj KJKP "GRAS" d.o.o. Sarajevo da uvede detaljnu kontrolu dolaska i odlaska uposlenika na posao i sa posla te najstrožije kazni one koji ne dolaze redovno na posao.
25. Obavezuje se privremeni upravitelj KJKP "GRAS" d.o.o. Sarajevo da organizuje urgentno istraživanje stepena naplate karti po strukturi korisnika, po linijama i redovima vožnje.
26. Obavezuje se privremeni upravitelj KJKP "GRAS" d.o.o. Sarajevo da u saradnji sa Ministarstvom unutrašnjih poslova Kantona Sarajevo unaprijedi koordinaciju i operativnu saradnju sa njihovim pripadnicima u cilju zaštite sistema naplate i stvaranja uslova za nesmetan rad vozača i kontrolora naplate u skladu sa odredbama kantonalnog Zakona o prekršajima i Zakona o ovlaštenjima kontrolora.
27. Obavezuje se privremeni upravitelj KJKP "GRAS" d.o.o. Sarajevo da dostavi prijedlog cjenovnika za komercijalne linije, a da iznos za jednu vožnju ne bude veći od 2,00 KM.
28. Obavezuje se privremeni upravitelj KJKP "GRAS" d.o.o. Sarajevo da izradi plan i dinamiku izmirivanja finansijskih obaveza prema dobavljačima u rok 90 dana i isti dostavi Ministarstvu saobraćaja i Vladi Kantona Sarajevo.
29. Obavezuje se privremeni upravitelj KJKP "GRAS" d.o.o. Sarajevo da preispita sve ugovore i način sticanja prava a posebno za reklamiranje na vozilima KJKP "GRAS" d.o.o. Sarajevo, te raskine sve ugovore koji su štetni za preduzeće, i da pokrene postupke protiv odgovornih lica za sklapanje štetnih ugovoza za preduzeće.
30. Obavezuje se Vlada Kantona Sarajevo i Ministarstvo saobraćaja da ustupe sva prava koja su vezana za kosi lift na Ciglanama Općini Centar koja će preuzeti upravljanje liftom.
31. Obavezuje se privremeni upravitelj KJKP "GRAS" d.o.o. Sarajevo da izda prostor za društvenu ishranu trećim licima s ciljem ostvarivanja dodatnih prihoda od zakupa za poslovnu jedinicu koja trenutno ostvaruje gubitak.
32. Obavezuje se privremeni upravitelj KJKP "GRAS" d.o.o. Sarajevo da izvrši detaljnu analizu poslovanja svih poslovnih jedinice i da poslovne jedinicu koja trenutno ostvaruje gubitak (koje su neprofitabilne) tj. korištenjem usluga od trećih lica



(outsourcing) bi se smanjili troškovi, pokrene postupak ukidanja istih i za obavljanje tih usluga koristiti usluge trećih lica.


33. Obavezuje se privremeni upravitelj KJKP "GRAS" d.o.o. Sarajevo da uvede punu kontrolu ulaza u vozila na polaznim stajalištima za autobuski i minibuski saobraćaj putem službi kontrole, zaštitara i policije.
34. Obavezuje se Ministarstvo saobraćaja Kantona Sarajevo da u što kraćem roku pristupi izradi zakonskih i podzakonskih akata koji uređuju oblast javnog gradskog prevoza u Kantonu Sarajevo.
35. Obavezuje se privremeni upravitelj KJKP "GRAS" d.o.o. Sarajevo da pokrene aktivnosti vezane za rješavanje vlasničkih odnose, u vezi sporne imovine KJKP GRAS d.o.o. Sarajevo koju čini zemljište na Jahorini, hotel "Dalmacija" u Kiselojaku sa pripadajućim zemljištem i zemljište u Bačićima i eventualno druge nekretnine.
36. Obavezuje se privremeni upravitelj KJKP "GRAS" d.o.o. Sarajevo da trenutni prostor gdje je smješten sektor minibuskog saobraćaja a koji se ujedno nalazi na trasi "I transverzala" pokrene aktivnosti izmještanja istog na lokaciju u ulici Srđana Aleksića broj 1. Pored toga da u saradnji sa Ministarstvom saobraćaja – Direkcija za ceste i Zavodom za izgradnju Kantona Sarajevo izvršiti obračun svih troškova za eksproprijaciju i izmještanje minibuskog saobraćaja po EBRD procedurama.
37. Obavezuje se Ministarstvo saobraćaja Kantona Sarajevo da u saradnji sa svim zainteresovanim stranama izradi strategiju razvoja javnog prevoza u Kantonu Sarajevo.
38. Obavezuje se privremeni upravitelj da u saradnji Ministarstvo saobraćaja Kantona Sarajevo da pripremi plan investicionog ulaganja u javni prevoz putnika za period od narednih 15 godina, sa prioritetom hitne nabavke voznih jedinica.
39. Obavezuje se privremeni upravitelj KJKP "GRAS" d.o.o. Sarajevo da redovno informiše Ministarstvo saobraćaja i Vladu Kantona Sarajevo o broju prodatih kaznenih karti te o broju pokrenutih prekršajnih naloga zbog voženja bez odgovarajuće karte.
40. Obavezuje se privremeni upravitelj KJKP "GRAS" d.o.o. Sarajevo da u saradnji sa Ministarstvom saobraćaja, Ministarstvom obrazovanja i Univerzitetom pokrene aktivnosti uvođenja obavezognog plaćanja studentima za korištenje usluga javnog linijskog prijevoza putnika i to prilikom upisa na visokoškolsku obrazovnu ustanovu.
41. Obavezuje se privremeni upravitelj KJKP "GRAS" d.o.o. Sarajevo i Ministar saobraćaja Kantona Sarajevo da nakon isteka 9 (devet) mjeseci od usvajanja ovih zaključaka izvjeste Skupštinu Kantona Sarajevo o realizaciji istog sa prijedlogom o nastavku sanacije ili prijedlogom pokretanja stečaja – likvidacije KJKP GRAS d.o.o. Sarajevo odnosno i ranije u slučaju da procjene da se zaključci ne mogu provesti i da se preduzeće ne može oporaviti i poslovarati bez gubitaka u narednom periodu.



Pokretanjem stečaja – likvidacije KJKP GRAS d.o.o. Sarajevo, pokrenuti i aktivnosti formiranja novog preduzeća utemeljenog na ekonomskim principima (osnivanje novog pravnog lica, osnivanje nova dva pravna lica ili dr.).

42. Ovlašćuje se privremeni upravitelj KJKP "GRAS" d.o.o. Sarajevo da preuzme sve nadležnosti upravljačkih struktura privatnog društva (Skupština KJKP "GRAS" d.o.o. Sarajevo, Nadzorni odbor KJKP "GRAS" d.o.o. Sarajevo i uprava KJKP "GRAS" d.o.o. Sarajevo) uz nadzor Ministarstva saobraćaja i saglasnost Vlade Kantona Sarajevo za donošenje odluka iz nadležnosti Skupštine i Nadzornog odbora KJKP "GRAS" d.o.o. Sarajevo.
43. Obavezuje se privremeni upravitelj KJKP "GRAS" d.o.o. Sarajevo da sve akte koje je donio KJKP "GRAS" d.o.o. Sarajevo a isti su na snazi uskladiti sa trenutnom pravnom situacijom i u roku do 30 dana dostaviti Vladi Kantona Sarajevo na saglasnost.
44. Obavezuje se Vlada Kantona Sarajevo da imenuje privremenog upravitelja KJKP GRAS d.o.o. Sarajevo na period od najmanje godinu dana.
45. Rokovi za realizaciju svih zaključaka je 90 dana za one zaključke za koje samim zaključkom nije utvrđeno drugačije.

Sarajevo, 31.07.2017. godine
Broj: 01-05-25024/17



web: <http://skupstina.ks.gov.ba>
e-mail: skupstina@skupstina.ks.gov.ba
Tel: +387 (0) 33 562-055, Fax: +387 (0) 33 562-210
Sarajevo, Reisa Džemaludina Čauševića 1





Broj:01-05-24243/17
Sarajevo, 07.08.2017. godine

VLADA KANTONA SARAJEVO

Dostavljamo Vam Zaključak koji je donijela Skupština Kantona Sarajevo, na sjednici održanoj dana 31.07.2017. godine.

DOSTAVLJENO:

- 1.Predsjedateljica SKS
- 2.Zamjenik predsjedavajuće S.Bukvá
- 3.Zamjenik predsjedavajuće S.Delalić
- ④Ministarstvo saobraćaja KS
- 5.KJKP "Gradski saobraćaj" d.o.o.
Srđana Aleksića 1 Sarajevo
- 6.Sekretar Vlade KS
- 7.Sekretar Skupštine KS
- 8.Dokumentacija sjednice
- 9.a/a

PO OVLAŠTENJU SEKRETAR

Almira Kulovac Šetkić dipl.pravnik s.r.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: +387 (0) 33 562-055, Fax: +387 (0) 33 562-210
Sarajevo, Reisa Džemaludina Čauševića 1





Na osnovu člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15 i 48/16), Skupština Kantona Sarajevo na sjednici održanoj dana 31.07.2017.godine, donijela je slijedeći

ZAKLJUČAK

Obavezuje se privremenim upravitelju KJP "GRAS" Sarajevo da svaka tri mjeseca izvjestiti Vladu i Skupštinu Kantona Sarajevo o provedenim mjerama sanacije u KJP "GRAS" Sarajevo.

Broj:01-05-24243 /17
31.07.2017.godine
SARAJEVO

